



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1863**

CLXXIII. Vergleich des Domkapitels zu Brandenburg mit Henning Diriken  
und den Hunaken über die Fischerei auf der Havel, vom 31. Juli 1484.

---

---

**Nutzungsbedingungen**

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

CLXXIII. Vergleich des Domcapittels zu Brandenburg mit Henning Diriken und den Hunaken über die Fischei auf der Havel, vom 31. Juli 1484.

Zu wissen, als vormal ein Anlaß vnd Recels, so sich zewischen den würdigen vnd andechtigen herren probst vnd Capittel des Stifts vf der Burg zu Brandenburg an einem vnd henningen diriken, Achym, Albrechten, Arnd, hanfen vnd achym, gebrudern vnd vettern, die huneken gnant, anders teils etlicher fischereyen vf der hauell bey Britzerue, vnd anderer sache halben, des datum stehit zu wusterwitz vf Mittewoch nach Jacobi, Im drie vnd achtzigsten Jare durch etliche des Erwürdigsten In got hochgeborenen fursten vnd herrn, herrn Ernsts, Administrators der kirchen zu Magburg vnd halberstad, herczogen zu Sachsen etc. vnd herrn Johansen, marggrauen zu Brändburg etc., Rethe verfaßt vnd begriffen ist, des sich der probst vnd Capittel obgnant beclagt haben, In der selbigen manicherleie stucke nicht gehalten sey, das wir Conrad lebenther, In geistlichen vnd wertlichen rechten doctor, hans von Trupitz, Caspar von kofsitz, Amptmann zu Sandow vnd plote, von wegin des gnanten vnfers gnedigen herrn, herrn Ernsts, Administrator etc., vnd Nickel pfull, wilhelm zu pappenheym, Erbmarschalk etc., hauptman In der alten marcke, Jorge von waldenfels, Ritter, vnd Sigmund Czehrer, In geistlichen rechten doctor vnd Cantzler, von wegin des obgnanten hern, herrn Johansen, marggrauen zu Brandenburg etc., vnfers gnedigen herrn, furder die obgerurte parthien vns beweglichen vrsachen zu becreffigung obgnants abschieds zu wusterwitz veranlaßt haben, also das die parthien Inmassen, wie der gnante Recels Inneheldet, zewischen hier vnd sent lucien tag sich an eynander nicht vergreifen vnd keyne nuwerung mit fischereyen ader anderweils vff der hauell ader suft in stücken, darvmb Irrung ist, machen sollen bey vermeydinge der straffe nach vngnaden der gnanten vnser gnedigen herrn, vnd als henning diriken das ower abgegraben vnd die havel neben seinen hoff zu Cutzkow vergeleit hat, sollen wir gnanten Jorg von waldenfels, Ritter, vnd Caspar von kofsitz solchen graben In kurtz besichten vnd so wir erfinden, die havel eynen durchbruch doselbst gewynnen mochte, dasselbige ower wider zu machen lassen bis zu rechtlichem vstrag der sachen, vnd die gnanten beide vnser gnedige herrn sollen sich In des vnd vf das schirfte, so das yren gnaden gefallen wil, eyns andern tags vereynen gein pritzerue vnd kutzkow, yre treffliche Rethe in anczal des gnanten Recels vnd anlaß zu schicken, beide parthien mit allen yren beweisungen, so sie sich In den sachen gebrochen wollen, zuuerhoren vnd so vil vnd recht sein wirdet, zewischen yn ergehen zu lassen; desglichen sal es zewischen den würdigen probst vnd Capittel des Closters vf dem berge vor der stad Brandenburg vnd henningen diriken gehalten werden. Des zu vrkund vnd mehrer bestentnis haben wir dissen anlas gezwiewuacht vnd iglicher parthien einen mit vnfern Conrad lebenthers, doctors etc., Caspar von kofsitzs, wilhelm von pappenheym, Ritters, vnd Sigmund Czehrers, doctor etc., Insegle vnd pitschafften versigelt. Geben vnd gescheen zu Czerwift, nach Cristi vnfers hern geburd Thufend vierhundert, darnach Im vier vnd achtzigsten Jare, am dornstag nach sent Jacoffs tage des heiligen aposteln.

Nach einer alten Copie im Königl. Prov.-Archiv zu Magdeburg.